

112 年全國語文競賽原住民族語朗讀 【鄒語】 國中學生組 編號 2 號

koicu 'o ak'i no sosea

moso i'nʌsku hafsʌ 'o voyu ne saviki ne moso
noteuyunu 'o nanghiasi ho mimo to emi, moso
ama'payo'ʌ soetumzu(soetumiu) ho soemoyomo, atavei tmaispuʏ to
ceonʌ. a'vinano moso smihi'u to pooyoyosi.

panto coni ci oko no sosea zou 'atai 'o ongekosi,
isi 'oc'ocic'o esmiza(esmia) nemo oevoi to ceonʌ 'o voyu, isi
ta'kukuyungva ho 'e'elʌi, nama i'o tuhcu to kacisi 'o isi aʌla 'ucia nochʌmi,
mo mais'a mo ma'to'tohʌngʌ, akameosa hucuni 'o okono sosea mo
peayofʌ toemaine'e, 'ia mamo toemaine'e ho eʌsvʌta to ak'isi, isi yainca,
“ak'i, ak'i, mi'o elʌ to meoi no fou to ceonʌ, mon'a ake'i yaa nsoua.”

mo na'no tmakaebʌ 'o ak'isi ne isicu talʌi, cu akameosa eteuyuna 'o
haah'o to cono emoo, yainca, “ ‘o'oko! tetona'a vasʌzʌ fiho ta 'atai ho usa
na ita elʌ ci meoi no fou.” .mo acʌhʌ kaebʌ 'o haah'o ho fiho to ak'ihe ho
yuovei to isi yoni to meoino fou.

ne moso mongoi ho toemaine'e 'o oko no sosea, 'ia ma moso
tmaiezuhu 'o voyu ho tmai'usnu to ciengona to ceonʌ, 'ana ihe elʌa tomo
evasʌzʌ ci sosea.

micu tmutmuno'i 'o ak'ihe ho koica 'o 'atai, “ ‘atai, 'atai, mioeno
yonenu na osko elʌa ci fou? mala aueva asansana na'a nala hi'hioa tac'u
pa'cohieni tamo botngonʌ, aha'vac'o e'ep'epvi 'emo man'i ci hioa ho uk'a
atotavei. haah'o, minocu tetocu maine'e!”

mo ma'eou 'o oko no sosea, isin'a i'vaha 'e'elʌi 'o ceonʌ, isi yainca,
“ua moso yontan'e ci moeno nafcucu 'e cea.”

'e isi pa'cohieni ta ehohamva tan'e mo yuso 'e tesi la poa talʌaneni ta
cou, 'emo coni .isi yainca to ak'ihe, 'e emo coni ci hioa la asansana na'a
tenac'u epeaska to mocmo ci cou. 'emo yuso. 'upena hoci pano iko peelʌi ci
hi'hio, 'ote la micinanaeno mau'to'tohʌngʌ. la conino talʌa, mo man'ihe na
ihe cohivi ta mocmo ci cou.

螞蟻爺爺的責備

有一天，山美汪家的 voyu 酒喝得醉醺醺，回家時先停在路邊休息、睡覺，並且尿在褲子裡。

有一隻小螞蟻他的名字叫' atai 剛好經過那裏，剛好走到 voyu 的褲檔。小螞蟻高興地以為遇到巨大的野獸。

小螞蟻急忙地去找他的爺爺，並請大家來幫忙。一夥人就跟著' atai 回到野獸休息的地方，但卻沒看見。原來小螞蟻回家時，voyu 轉到了路的另一邊。爺爺大聲地責備' atai 說：「' atai，你找到的野獸在哪裡嘛？以後要注意，事情沒有弄清楚前不要隨便向別人報告求幫忙！」

大夥回家後，小螞蟻還是留在那，狐疑地重新確認，這裡聞一聞，那裡聞一聞，心想：「野獸確實是在這裡，不然地上怎會有尿騷味呢？」

這故事告訴我們二件事：1、 一件事情還沒有確定前，不要隨便向別人宣布。 2、不論你有多少的本能，不可以自以為聰明。要常常記住，別人知道的總是比你多。